



Broj: 10/E-11-4040/25
Sarajevo, 17-07-2025, godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine, (u daljem tekstu: Komisija II), u postupku javne nabavke: Nabavka terenskog vozila za potrebe Općinskog štaba civilne zaštite (Zapisnik o pregledu i ocjeni ponuda broj: 10/E-11-4040/25 od 10.07.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „AC QUATTRO“ d.o.o. Sarajevo, ulica Put života broj 1, 71000 Sarajevo, broj: 801/2024 od 03.07.2025. godine, za nabavku terenskog vozila za potrebe Općinskog štaba civilne zaštite, putem otvorenog postupka, u ukupnom iznosu od **81.859,83 KM bez PDV-a**, odnosno **96.876,00 KM sa PDV-om i uračunatim troškovima registracije vozila**.
- II.** Ugovorni organ će sa izabranim ponuđačem zaključiti Ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke terenskog vozila za potrebe Općinskog štaba civilne zaštite, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-4040/25 od 13.06.2025. godine. Predmet nabavke nije podijeljen na lotove.

Procijenjena vrijednost javne nabavke bez uračunatog PDV-a iznosi **82.905,00 KM**.

Obavještenje o nabavci 848-1-1-78-3-147/25 objavljeno je dana 17.06.2025. godine na Portal javnih nabavki (www.ejn.gov.ba).

U krajnjem roku za predaju ponuda koji je određenom tenderskom dokumentacijom (08.07.2025. godine do 14:00 sati), na adresu Ugovornog organa primljene su 2 (dvije) ponude dostavljene od ponuđača: 1. „AC QUATTRO“ d.o.o. Sarajevo i 2. „BLOK“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitana je cijena ponuda, kako slijedi:

r/b	Ponuđač	Cijena vozila bez PDV-a (KM)	Popust %/KM	Ukupno sa popustom bez PDV-a (KM)	Registracija vozila bez PDV-a	Ukupna vrijednost vozila sa PDV-om, popustom i registracijom (KM)
1.	„AC QUATTRO“ d.o.o. Sarajevo	81.859,83	-	81.859,83	940,17	96.876,00
2.	„BLOK“ d.o.o. Sarajevo	82.045,30	1,04% 857,27	81.188,03	1.330,77	96.547,00

Nakon izvršenog javnog otvaranja ponuda, Komisija II je na zatvorenom sastanku pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je na osnovu rezultata pregleda dostavljenih ponuda konstatovala da je ponuđač „BLOK“ d.o.o. Sarajevo na str. 10 i 11 ponude dostavio popunjenu tabelu - Tehničke karakteristike vozila (Aneks 2a.), koja je bila obavezan dio tenderske dokumentacije za predmetnu nabavku, u kojoj su iskazani svi zahtjevi ugovornog organa u pogledu tehničkih karakteristika robe koje se nabavlja, a koje treba da zadovolje ponuđači.

Ugovorni organ je u tenderskoj dokumentaciji jasno postavio i definisao zahtjeve u pogledu tehničkih karakteristika vozila i prateće opreme.

Uvidom u tabelu - Tehničke karakteristike (Aneks 2a.) koja je sastavni dio ponude Komisija II je konstatovala da je ponuđač „BLOK“ d.o.o. Sarajevo za stavku **Lakometalni naplatci sa gumom minimalno 19"** označio odgovor **NE** te upisao da posjeduje **18"**. Komisija II je dalje konstatovala da je za stavku **Klima uređaj trozonski** ponuđač označio odgovor **NE** te ponudio **dvozonski** klima uređaj.

U skladu sa utvrđenim činjenicama Komisija II je konstatovala i ocijenila da je ponuda ponuđača „BLOK“ d.o.o. Sarajevo ne zadovoljava zahtijevane tehničke karakteristike vozila i opreme koje je predmet nabavke, te da nije u skladu sa navodima iz tačke 7. Obrasca za cijenu ponude (Aneks 1.) tenderske dokumentacije u kojoj stoji: „Izjavljujemo da naša roba odgovara svim tehničkim uslovima i karakteristikama iz Aneksa 2. i 2a. tenderske dokumentacije.“, kojeg je potpisalo ovlašteno lice ponuđača „BLOK“ d.o.o. Sarajevo.

Shodno utvrđenom, Komisija II je jednoglasno konstatovala da je ponuda ponuđača „BLOK“ d.o.o. Sarajevo **nepravilna** prema članu 2. stav (1) tačka I) alineja 3) Zakona o javnim nabavkama. Naime, nepravilnom ponudom smatra se ponuda koja nije u skladu sa tenderskom dokumentacijom, odnosno ponuda koja ne ispunjava zahtjeve u pogledu tehničkih specifikacija koje su sastavni dio tenderske dokumentacije za određenu nabavku.

Kao obrazloženje ovakvog zaključka Komisija II u Zapisniku o pregledu i ocjeni ponuda, broj: 10/E-11-4040/25 od 10.07.2025. godine navodi sljedeće:

Tenderskom dokumentacijom za nabavku terenskog vozila za potrebe Općinskog štaba civilne zaštite, evidencijski broj nabavke: 10/E-11-4040/24, u Poglavlju PODACI O PREDMETU NABAVKE, tačka 6.1. OPIS PREDMETA NABAVKE, podtačka 6.1.4. definisano je:

“6.1.4. Količinske i tehničke specifikacije, kao i drugi zahtjevi koji se odnose na tehničke i druge važne aspekte isporuke robe definisane su u Obrascu za cijenu ponude ove tenderske dokumentacije (**Aneks 2**) i Tehničkim karakteristikama (**Aneks 2a**).”

Preuzimanjem tenderske dokumentacije zainteresovani ponuđači su upoznati sa svim zahtjevima ugovornog organa u pogledu predmeta nabavke, uključujući i tehničke karakteristike robe koja se nabavlja, a koji moraju biti zadovoljeni da bi se ponuda mogla ocijeniti kao prihvatljiva i u skladu sa predmetom nabavke.

Ponuda je dokument koji priprema i podnosi ponuđač u postupku javne nabavke, pri čemu nudi isporuku robe pod uslovima koje određuje ugovorni organ u tenderskoj dokumentaciji.

Ponuda treba u potpunosti da ispunjava uslove koje je u tenderskoj dokumentaciji postavio ugovorni organ, kako u pogledu dokazivanja kvalifikovanosti, tako i u pogledu ispunjavanja zahtjeva iz tehničkih specifikacija, kao sastavnog dijela tenderske dokumentacije.

Članom 68. stav (4) tačka i) Zakona o javnim nabavkama pripisano je da je ugovorni organ dužan odbaciti zahtjev za učešće ili ponudu u slučaju da ponuda nije potpuna i ne ispunjava zahtjeve iz tenderske dokumentacije.

Na osnovu činjenice da ponuda ne zadovoljava tehničke zahtjeve i specifikacije, Komisija II je ponudu ponuđača „BLOK“ d.o.o. Sarajevo odbila i ista nije bila predmet evaluacije.

U daljem toku postupka Komisija II je u cilju utvrđenja svih relevantnih činjenica dopisom broj: 10/E-11-4040/25 od 09.07.2025. godine pozvala ponuđača „AC QUATTRO“ d.o.o. Sarajevo da pojasni odnosno dostavi dokument kojim potvrđuje da privredno društvo Porsche BH d.o.o., koje je izdavalac uvjerenja dostavljenih u ponudi, ima priznat status generalnog zastupnika za marku vozila Škoda.

Dana 10.07.2025. godine ponuđač „AC QUATTRO“ d.o.o. Sarajevo dostavio dokument odnosno ovlaštenje – autorizaciju zvaničnog proizvođača ŠKODA AUTO, Češka Republika od 15.02.2019. godine, izdato privrednom društvu Porsche BH d.o.o., Bulevar Meše Selimovića 16, 71000 Sarajevo.

Na osnovu uvida u dostavljeni dokument Komisija II je jednoglasno konstatovala da uvjerenja izdata dana 11.06.2025. godine od privrednog društva Porsche BH d.o.o., koja je u ponudi dostavio ponuđač „AC QUATTRO“ d.o.o. Sarajevo, potvrđuju odnosno dokazuju da navedeni ponuđač ispunjava minimalne uslove u pogledu tehničke i profesionalne sposobnosti propisanih tačkom 7.3.1. pod a) i b) tenderske dokumentacije.

Pregledom i analizom ponude ponuđača „AC QUATTRO“ d.o.o. Sarajevo Komisija II je jednoglasno konstatovala da dostavljena ponuda ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu odredaba Zakona o javnim nabavkama.

Detaljnom računskom provjerom ispravnosti ponude ponuđača „AC QUATTRO“ d.o.o Sarajevo, Komisija II je ustanovila da je ponuda računski ispravna.

Analizom cijene ponude ponuđača „AC QUATTRO“ d.o.o Sarajevo, slijedi:

r/b	Ponuđač	Cijena vozila bez PDV-a (KM)	Popust %/KM	Ukupno sa popustom bez PDV-a (KM)	Registracija vozila bez PDV-a	Ukupna vrijednost vozila sa PDV-om i registracijom (KM)
1.	„AC QUATTRO“ d.o.o. Sarajevo	81.859,83	-	81.859,83	940,17	96.876,00

**Ponuđač je u Obrascu za cijenu ponude iskazao troškove registracije vozila u iznosu od 1.110,00 KM sa PDV-om*

Tenderskom dokumentacijom predviđeno je provođenje e-aukcije, što je navedeno i u Obavještenju o nabavci broj 848-1-1-78-3-147/25 od 17.6.2025. godine. Obzirom da je primljena samo jedna prihvatljiva ponuda e-aukcija se nije zakazala shodno članu 4. stav (2) Pravilnika o uslovima i načinu korištenja e-aukcije ("Službeni glasnik BiH", broj 80/23).

Nakon analize i evaluacije pristigle prihvatljive ponude prema pravilima propisanim Zakonom javnim nabavkama i podzakonskim aktima, primjenom tenderskom dokumentacijom propisanog kriterija za dodjelu ugovora „najniža cijena“, u skladu sa članom 64. stav (1) tačka b) Zakona o javnim nabavkama, Komisija II je izvršila rangiranje ponude kako slijedi:

RANG	Ponuđač	Ukupna cijena vozila bez PDV-a sa troškovima registracije iskazanim bez uračunatog PDV-a	Ukupno sa PDV-om i registracijom
1.	„AC QUATTRO“ d.o.o. Sarajevo	82.800,00	96.876,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača „AC QUATTRO“ d.o.o. Sarajevo, ulica Put života broj 1, 71000 Sarajevo, broj: 801/2024 od 03.07.2025. godine, sa cijenom u ukupnom iznosu od **81.859,83 KM bez PDV-a**, odnosno **96.876,00 KM sa PDV-om i uračunatim troškovima registracije vozila**, kao najpovoljnije za nabavku terenskog vozila za potrebe Općinskog štaba civilne zaštite.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:


Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-4040/25 od 10.07.2025. godine

**Dostaviti:**

1. Ponuđaču: „AC QUATTRO“ d.o.o. Sarajevo, ulica Put života broj 1, 71000 Sarajevo
2. Ponuđaču: „BLOK“ d.o.o. Sarajevo, ulica Džemala Bijedića 253, 71000 Sarajevo
3. Službi za civilnu zaštitu
4. Kabinetu općinskog načelnika – Odsjek za javne nabavke
5. Službi za finansije
6. U spis